

Informacion & Datos tocante Divorcio

Pa informacion, polisa y ejecucion



SITUACION GENERAL

Un separacion ta hasi un impacto grandi pa tur dos mayornan y muchanan. Aunke e separacion por ta un alivio, e situation tin hopi impacto. E proceso cu hende ta pasa durante un separacion ta hopi complica debi na e diferente factornan cu ta hunga un rol, y ta diferente pa cada persona. Pa cada persona ta varia si nan por premira e consecuencianan, con nan ta experiencia e situacion, y kiko nan posibilidad nan ta. Den algun caso, por tin o surgi problemanan (multi)compleho. Tur esaki ta hasi cu separacionnan por desaroya na diferente manera y esey ta hasi cu e necesidad di ta involucra durante y despues di e separacion ta varia pa cada caso. Muchanan hopi biaha ta experiencia tension muchu mas prome cu e separacion tuma lugar, y ta wordo confronta despues cu e consecuencia nan.

Ora mayornan ta bai nan caminda separa y no ta biba hunto mas, esaki tin, ademas di consecuencia nan emocional pa esnan involucra, tambe un impacto social.

CONSECUENCIANAN PA COMUNIDAD

Separacionnan ta hopi biaha un catalisado pa tur sorto di problemanan. Di debe, muchanan ku problemanan psicologico, te na casonan caminda un di e personana envolvi ta wordo saca for di cas. Separacionnan ta amplia e demanda riba e cadena di cuido social y understand, y ta causante di escasez di vivienda, crecimiento di pobresa, perdida den poder di compra, ausencia laboral y perdida di trabou.

“Mi no sa mas unda pa cuminsa. Lo ta agradabel si tin un hende cu por yuda mi.”



CONSECUENCIA Y COSTONAN DI UN SEPARACION PA COMUNIDAD

- Un separacion ta tuma luga den un zona priva, pero tambe tin impacto riba e ambiente;
- Muhenan tin tendencia pa perde poder adquisitivo y, como resultado, tin mas riesgo di pobresa;
- Hombernan, generalmente, ta sali mihor of nan patrimonio ta baha;
- Coperacion entre mayornan no ta semper posibel y/of ta den interes di e mucha;
- **69%** di e mucha/hoben nan cu ta meld na Stichting Reklassering ta bin di un eenoudergezin, esaki ta **0,4%** di e total di mucha/hoben cu ta biba cu un mayor.



MUCHANAN Y SEPARACION

Ne momento di un separacion, e lugar segur caminda muchanan ta biba ta perde. Tin cambionan grandi den nan bida diario. Despues di e separacion, nan ta biba hopi biaha na dos cas, por cambia di scol i por sosode cu nan por mira un di nan mayornan menos of hasta no mire mas. Muchanan ta sinti nan mes rechasa, i laga un banda nan so. Nan no ta comprende facilmente kiko nan ta experencia i con nan mester trata cu esaki.

500

Ta calcula cu pa aña 500 mucha ta haña tende cu nan mayornan ta bai separa

ACE's

Experencia un separacion pa un mucha ta cai bou di e ACE's, *Adverse Childhood Experiences*, experiencia profundo di infancia. Esakinan ta experencia di stress cu ta daña un hoben directamente of tin un influencia negativo riba nan pa motibo di nan ambiente social.

Nota: Alumnonan cu ta crece den familia cu un solo mayor y cu ta biba den pobresa, ta experencia mas ACE's cu nan compañeronan di klas.



Conneccion cu mayor

Muchanan por desaroya problemanan debi na un separacion. Nan tin of ta haña un vinculo debil cu nan mayornan.



Leal

Muchanan ta leal na nan mayornan. Door di e separacion di nan mayornan, nan por yega den un conflicto di lealtad.

2x mas

Muchanan cu mayornan separa tin 2 biaha mas chens pa nan mes tambe bai separa;
Nota: Si tur dos pareha tin mayornan separa, e percentahe aki ta mas halto ainda.

CADENA DI CUIDO SOCIAL Y SEPARACION

Un porcentahe importante di muchanan y adultonan cu ta busca ayudo y cuido den e prome, di dos of di tres linea di asistensia y yudansa tin un separacion como fondo.

9525

Total muchanan na Aruba cu ta biba cu 1 mayor so. Esaki ta 41,9 % di e total di 22,799 mucha. Cu mama 37.3 % Cu tata 4.6 % CENSO 2020)

12.7%

i muchanan menor di edad na final di 2022 tawata biba cu un mayor divorcio.


4-12_{ana}

Na Hulanda 1/3 di e muchanan tine edad di scol primarioora nan mayornan tabai separa.

Pa Arubanos mester calculaesaki ainda.

RELACION PROPIO & FAMIA

Experencia un separacion na edad hoben (< 5 aña) ta aumenta e posibilidad di bai separá mas despues.






TAREANAN DI DESAROYO PA MUCHANAN DURANTE UN SEPARACION

1. Compresion di separacion;
2. Aparta nan mes for di e conflicto di nan mayornan;
3. Maneho di perdida
4. Solciona e rabia y auto-critica ;
5. Accepta cu e separacion ta pa semper;
6. Confiansa den amor.

REACCIONNAN DI MUCHANAN ORA DI SEPARACION

Door di experencia un separacion, tur mucha tin riesgo n a corto y largo periodo pa (desaroya) problemanan den nan funcionamento diario y/of pa resto di nan bida, manera salud en geral /mental, nivel di educacion, drop-outs, nan mes separa di nan pareha den futuro, y perdida di red social

| | |
|--------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 0 T/M 3 AÑA |  <ul style="list-style-type: none"> - Yoramento - Agitacion - Problema pa drumi - Angustia di ser abandona |
| 4 T/M 6 AÑA |  <ul style="list-style-type: none"> - Sinti culpabilidad - Recaida den desaroyo - Comportamiento desproporcional - Angustia di ser abandona |
| 7 T/M 12 AÑA |  <ul style="list-style-type: none"> - Pa sinti bo kulpabel - Preokupá - Rabiá, tristu - Lealtat - Miedu i insertidumbre |
| 13 T/M 17 AÑA |  <ul style="list-style-type: none"> - Suseptibel pa uso di substancia - Ta confundi - Internalisa-/Externalisa problema - Confiansa ta kibra - Ta tuma riesgionan innecesario |
| 18 T/M 24 AÑA |  <ul style="list-style-type: none"> - Problema cu nan mesun relacion - Sinti responsabilidad - Confiansa |



"Si tin algo cu ta hunga un rol durante un separacion, laga esaki ta e muchanan"

Loesje

TRATADO INTERNACIONAL DI DERECHO DI MUCHA (IVRK)

E proceso di separacion y regla e separacion ta un temporada dificil pa tur personanan envolvi, un tempo unda hopi decision ta wordo tuma.

E decisionnan ta wordo tuma entre adultonan, pero nan ta trata tambe tocante e bida di e muchanan.

Na aña 2001 ARUBA a ratifica e Tratado Internacional di Nacionnan Uni di derecho di mucha, cu e opinion di muchanan tambe ta conta ora nan ta tuma decisionnan tocante nan y nan bida. E necesidadhan, deseongan y opcionan di muchanan durante un separacion ta corespondie cu nan derechonan como mucha.

Artículo 9: Separacion di mucha y mayornan

Artículo 10: Reunion familiar

Artículo 12: Opinion di mucha

E KIES Plan di Mucha ta respeta e derechonan di mucha durante un separacion y ta yuda mayornan pa trahe un bon Plan di Mayor.



MAYORNA

- Despues di un separacion, ex-parehanan cu tin yiunan semper lo keda e mayornan di nan yiunan. Te unda nan tin e custodia riba nan yiunan ta wordo determina pa nan situacion judicial;
- Ley ta obligá mayornan pa entrega un plan di mayor na momento cu nan ta bai separa;
- **21% DI FAMIANAN** unda separacion a tuma lugar, tin caso di mayornan cu ta cria nan yiu "solo". E muchanan tin contacto y/o relacion cu ambos mayornan, pero no tin contacto entre e mayornan;
- **15 TE 20% DI SEPARACIONNAN** ta trata suituacionan compleho caminda tin conflictionan serio y/o problemático;
- **MAS O MENOS 15% DI MUCHANAN** cu mayornan separa, ta perde contacto cu un di nan mayornan.



RISICO DI SITUACION COMPLEHO DURANTE SEPARACION DI UN OF AMBOS MAYORNA



Problemanan di Personalidad



Experianan Traumatico



Problemanan di Violencia



adiccion Alcohol y Drogen



Problemanan serio den relacion, conflictionan y/of falta di pordon



Bataya judicial entre mayornan

FACTORNAN DI PROTECION MUCHANAN Y MAYORNA

- Regla e separacion rapido y constructivo;
- Vínculo positivo entre muchanan y mayornan; Cariño mutuo entre mayornan y mucha;
- Interes pa e mucha;
- Bon acuerdo y cooperacion entre e mayornan;
- Mag papia tocante e separacion y e situacion;
- E ambiente (famianan y amigonan) ta brinda sosten na ambos mayornan y muchanan;
- Un criansa caminda tin amor incondicional pa e mucha, unda e por expresa su sentimientonan, unda tin seguridad y reglanan ta presente;
- Muchanan cu bon habilidad pa lidia cu stress y habilidadnan social y cognitivo bon desaroya;
- Muchanan cu apego sigur;
- Muchanan cu compronde e separacion y ta haya espacio y tempo pa siña maneha cu esakl.

KIKO TA NECESARIO?

- Organizacion ta wordo conseha pa traha cu metodologianan y intervencionnan cu a wordo proba pa nan efectivididad;
- Enfoca riba intervencionan cu ta efectivo den costo, resultado & brindando sosten cualitativo y accesibel. Ayudo preferiblemente banda di cas;
- Stipula polisa y maneho pa famianan den separacion na scol y na traimerdia ta contribui na prevencion;
- Investigacion ta demostra cu prevencion ta evita hopi consecuencia nan desfavorabel, escalacionnan y gastonan halto. Ta importante pa informa mayornan tocante consecuencianan cu un separacion of bataya prolonga, por tin pa nan yuinan. Ta consehabel pa profesionalnan traha tanto for di perspectiva di e mucha como di e mayornan, y keda neutral. Enfocando for di un perspectiva di solucion, por traha hunto cu e mayornan y cu participacion di e mucha, den e cuadronan judicial, pa duna forma y contenidonan, na rolnan y responsabilidadnan nobo;
- Proba ta cu yuda muchanan, hobennan y mayornan cu informacion, atencion, ayudo na tempo cu metodologia proba di ta efectivo ta beneficioso.